


Tres sunt qui testimonium dant in Cælis, Pater, Verbum & Spiritus Sanctus & hi tres tantum unum sunt (mox de humanitate Christi loquens) Tres sunt, qui testimonium dant in terris, sanguis, spiritus, & aqua, & hi tres tantum unum sunt. Nos igitur, qui partem humanitatem habemus, mirum non est, si sanguinem & spiritum, consimilis unitatis contineamus: sitque sanguinis actio, mere spiritualis. Imo in genesi, propterea non sanguinis etymo sit vocatus, sed spiritus rubei nomine insignitus. Abscede igitur quisquis es, à pertinacia, & alium, præter cacodæmonem, in sanguine spiritum agnosce, nisi scripturæ ex adversum eas.



ROBERTI FLUDDI DE FLUCTIBUS, DISCURSUS

DE

UNGUENTO ARMARIO.

Sximia est inter res ejusdem naturæ sympathia, quemadmodum Disputationum inter eas contrariarum antipathia admirabilis, quod quidem hominibus inscitia obrutis impossibile primâ fronte videretur, nisi infallibiles hujusmodi naturarum proprietates, in rebus diversis ocularis confirmasset experientia; Nec quidem extra hominis naturam quicquam invenitur, quod rerum sympathiam magis arguat, quàm fortissima ipsius magnetis ad ferrum relatio, ejusque ad stellam polarem affectio; Nec certè (ut ad hominis regnum perveniamus) est quicquam, quod sympathiam & compassionem inter eum atque partes vitali suæ dispositioni appropriatas luculentius demonstret, quàm manifesta illa relatio, quæ observatur esse inter unguentum ex sanguine, aliisque hominis partibus conflatum, ac vulneratum, & inter cruorem à vulnerato effusum, atque sanguinis massam, quæ in sauciato corpore adhuc reservatur, unde via comparationis inter magnetis effectus & illos istiusmodi unguenti facta (utpote qui sunt simillimi) unguentum hoc magneticum appellatur.

Primum igitur compositionis ejusdem ingredientia atque mensuras ipsorum vobis explicabimus, atque effectus illos quos praxis atque experientia, etiam stultorum magistra produxit, describimus, quò facilius de